







de bon. libert. l. quia autem 6. §. si patronus, l. preterea 19. ff. si quis amissa causa testam. l. dotalem 61. ff. solut. matrim. leg. 3. §. si in testamento, ff. si quis in fraudem patroni, quibus in locis cum conset, totam hereditatem liberis patrono deseruit, ideo espresse docetur, partem, siue semissem debere. Omnia hac legis decemviris edicti Pratoris, & legis Papie diversa composuit Justinianus sua constitutione, quae extat in l. 4. c. de bonis libert. §. sed nostra, Instit. de success. liberti.

Sed ut jam ad presentem textum regrediamur, cum hucusque tradita procedant tam ex jure Caesareo, quam canonico, difficilis est praesens canon, quatenus in eo bona liberi ab intestato decedentis dividuntur in quatuor partes, nulla ex eis assignata patrono. Pro cuius difficultatis solutione sciendum est, primis Ecclesiae saculis fideles plerumque in Ecclesia servos proprios manumississe, ut in ea deservirent; & si idonei essent, ad sacros ordines promoverentur, ut probavi in c. 1. de servis non ordin. & in similibus liberis nullum jus patronatus manebat, quia tantum officium divinum vice operum promitti poterat, c. eo libentis, de servis non ordin. & manebat talis clericus tanquam liberus ociosus, cum manumissus esset ut ordinaretur. In aliis autem servis a fidelibus pro redemptione animarum suarum in Ecclesia manumissis nullum etiam jus patronatus patronus retinebat, l. 54. tit. 35. lib. 2. legum Longobard. ibi: "Si quis servum, aut ancillam in Ecclesia, vel circa altare amodo liberum, vel liberam dimiserit, sic maneat ei libertas, sicut ei qui Pollucem in quarta manu tradidit, & Amundus factus est, nam qui

alium facere voluerit, non eum ducat in Ecclesiam, nisi alio modo faciat qualiter voluerit, si per chartam, siue qualiter ei placuerit, Patronium tamen ita in Ecclesiam transibat, ut si aliquo casu revocaretur ita manumissus in servitutem, non in dominium pristini domini, sed Ecclesiae recideret, l. 1. tit. 18. legum Alem. ibi: "Si ancilla dimissa fuerit per chartam, aut in Ecclesia, & postea servus nascitur, Ecclesia ancilla permanet. Et si ita manumissus sine liberis decedebat, Ecclesia illi succedebat, tit. 58. legum Ripuar. Unde cum servus, de quo in praesenti agitur, manumissus esset, ut sacris Ordinibus initiaretur, nullum patronum habebat, atque ita ejus successio nulli deserebatur a jure: sed quia non constabat bona ab eo relicta, intuitu Ecclesiae fuisse acquisita, alias Ecclesiae competenter, juxta adducta in titulo de penitio clerici, sed potius ab eo aliunde erant quaesita, & eis nisi manumissus esset in Ecclesia patronus succederet, ideo quia propter privilegium talis manumissionis patronus non occupat ea bona, jubent patres, ut in quatuor partes dividantur, quarum prima Episcopo, secunda Ecclesiae, tertia pauperibus, quarta parentibus praefertur. Nec obstat canon 3. Concilii Tolet. 1. quia ibi Patres agunt de bonis, quae habebat liberus ante manumissionem, peculio videlicet, de quo ad libitum dominus disponere valet. Nec etiam refragatur alter canon 74. Concilii Tolet. 4. nam in eo agitur de libertis ex servis propriis Ecclesiae manumissis, quibus Ecclesia succedit jure proprio, cum ex propria familia manumissi essent, & intuitu ejus omnia quaesierunt.

C A P U T I I I.

Innocentius III. a Nivernensi Episcopo, & N. Sancti Benigni Divotien. & N. Teloci Abbatibus.

Cum dilectus filius N. Abbas de b. Buxeria ad nostram nuper praesentiam accessisset, & pro causa, quam adversus venerabilem fratrem nostrum N. Episcopum e. Eduen. habebat, ibidem diutius expectasset, tandem nuncijs ejusdem Episcopi supervenit: quibus volentibus ad invicem litigare, venerabilem fratrem nostrum l. d. Viterbien. Episcopum, sancti Clementis Card. concessimus auditorem. Ipsis igitur in ejus praesentia constitutis, Abbas proposuit antedictum, quod cum N. Archiepiscopus de Alerio se, ac sua ad participationem orationum monasterio de Buxeria pietatis intuitu obtulisset, quibusdam rebus suis usui suo simpliciter reservatis, de manu cuiusdam fratris ejusdem cenobii augmentationem & coronam, in signum illius oblationis accepit: & quod hanc concessionem hoc modo fecisset, & non suo nomine, sed nomine monasterii possideret, & monasterio quicquid acquireret, acquireret, saepe fuit in communi Capitulo professus. In hoc etiam publice per viginti annos fere idem Archiepiscopus, nullo contradicente, vel reclamante permansit, ita quod per publicam famam id omnibus notum fuerat. Nam Abbas de Buxeria, qui pro tempore fuerat, & ipsi monachi, rebus ipsius, non secus quam alii rebus propriis monasterii, sciente Episcopo Eduen. qui pro tempore erat, & in nullo genio reclamante, publice utebatur. Id autem quod mente compositi dictus Archiepiscopus fecerat inter vivos, in ultima voluntate mente sanus, licet ager corpore, confirmavit. Cumque idem Abbas, & monachi res sic legitime datas, & alias, quas Archiepiscopus ipsi concesserat ad utendum, ad suum monasterium reducere vellet, praedictus Episcopus eis violentiam inferens, non solum res f. Archiepiscoperi, verum res ipsius monasterii occupavit, quas cum in bona pace repeterent ipsi, ut in rebus illis ei postea grassandi materia plenior indulgeri, Sedem Apostolicam appellavit, in Octavis B. Martini proxime praeteriti terminum appellationis praesens. Econtra praedicti nuncijs Episcopi allegavit, quod quando illa donatio facta fuit, Archiepiscopus erat positus extra mentem, ita quod cum interrogatus fuisset a monachis: Vis tu habitum suscipere monachalem? & respondisset: Volo; statim interrogatus ab alio: Vis tu esse abbas? respondisset: Volo, sicque praedicti monachi eum ad suum monasterium deportarunt: quod idem nuncijs fe obtulit probaturum. Praefatus siquidem Abbas, cum ad assertionem partis suae quosdam testes inconvenientes produceret, nos ipsos recipi fecimus, & diligenter audiri, quorum attestaciones cum interloquendo decrevissent publicari debere, quoniam super illis capitulis pars Episcopi volebat testes producere, super quibus idem Abbas testes produxerat, ipsaque fuissent in publico recitatae, disputatione super attestacionibus ipsas habita diligenter, multa fuerunt contra dicta restium allegata. Cumque renunciatum fuisset a partibus, dictus Card. quancunque fuerunt hinc inde proposita dicta, & fratris nostris fideliter recitavit. Quibus auditis & cognitis sufficienter, intelleximus esse probatum, quod dictus Archiepiscopus agens in extremis velut ultimam exprimens voluntatem, asserit se, ac sua monasterio de Buxeria contulisse. Unde cum requisitus esset ut concederet testamentum, respondit se non posse & testari, quia se, & sua contulerat monasterio sapienter. Et licet unus solus testis dixerit se vidisse, quando praefatus Archiepiscopus se, & sua obtulit monasterio; quia tamen alii testes dixerunt, se audisse ipsum Archiepiscoperum in Abbatis praesentia confitentem, & quod praedictum est, non tanquam sufficienter probantes, sed tanquam vehementer b. administrantes, asserionem Abbatis plurimum adjuvabant. Quia vero pars Episcopi assererat se velle probare, quod dictus Archiepiscopus in extremis laborans, tanquam phreneticus alienatus erat a mente, unde non valuit quod expressit: nos super his, & aliis, quae fuerunt hinc inde proposita, cum fratris nostris diligenter deliberatione habita, causam ipsam vobis sub hac forma duximus committendam, quod nisi praedictus Episcopus legitime comprobaverit sapienter Archiepiscoperum suae mentis i. competentem non fuisse, cum ultimam voluntatem expressit, super impetitione monasterii perpetuum ei silentium imponatur, & compellatur restituere monasterio quancunque de bonis ipsius Archiepiscoperi, vel etiam monasterii occupavit. Si vero legitime comprobaverit praedictum Archiepiscoperum, quae super ultima voluntate praemissa sunt, alienata h. mente dixisse, ad faciendam ei nomine parochialis Ecclesiae, cuius administrationem gesserat dum vixisset, restitutionem bonorum, quae ipsius Archiepiscoperi fuerant, monasterium condemnatur, cum idem Archiepiscopus ab intestato decederit: ipique monasterio super impetitione Episcopi silentium imponatur. Nullis literis obstantibus, praeter assensum partium, &c. Quod si non omnes, & tu frater Episcope cum eorum altero. Datum Romae, &c. 14. Non. Jun.

N O T A E.

Nivernensis.) Ita restituo inscriptionem, & litteram hujus textus ex ipsi epistolis Innocentii III. editis a Cardinale Silerio, fol. 111. Nivernensis civitas Galliae, provincia suae caput, ita dicta est a Niveri fluvio, qui in Ligerim fluit, ut refertur Caesar lib. 7. c. 10. Papius Malsionius in descript. Franciae, fol. 31. Habet Ecclesiam Cathedrali dicatam D. Cyro, cuius Praefatum catalogum referunt Democrates in l. de sacrificio Missae, Chenu in chron. Galliae, fol. 250.

Frates Sammarthani 10. 3. Gallia, fol. 791. Guillelmo ejus Ecclesiae Episcopo missa est praesens decretalis, de quo Frates Sammarthani 10. 3. Gallia, fol. 791.

b. Buxeria.) Quod monasterium est Ordinis Cisterciensis, olim dictum Triumfontium, de quo hac Robertus Claudius in sua Gallia refert. (Buxeria cenobium Cisterciensis Ordinis, diocesis Eduensis, olim Triumfontium appellatum, juxta tria stagna ad Olcarum fluvium, anno 1130. die 12. Martii fundatum est ab Illustrissimis Burgundiae Ducibus, ut nonnulli putant; sed alii probabilis Nobiles Dominos de Som-

11. Episcopus praesens

berone auctores illius existimant. Aliqua de ipso monasterio refert Manricus tom. 1. annalium Cisterciens. anno 1130. c. 6. Frates Sammarthani 10. 4. Gallia Christi. fol. 208. c. Eduen.) Edua urbs celeberrima est Galliae, cujus populi clarissimi Celartum vocantur a Mela l. 3. c. 2. Antonio parentat. 4. Ejus civitatis meminerunt Gouelinus l. 2. de rebus Pii Secundi, ibi: In Burgundia juxta Eduas, Celartum fere omnium quondam principes. Tacitus l. II. annalium: Primi Edui Senatorum in Urbe jus adepti sunt, datum id fedi antiquo. Sidoanius l. 5. ep. 18. Aymonius l. 1. c. 5. Caesar l. 6. de bello Gallico. Etiam dicta fuit Augustodunum, ut probant Frates Sammarthani rom. 2. Gallia Christiana, fol. 25. Habet Ecclesiam Cathedrali D. Lazaro dicatam, cujus Praefulum seriem referunt Frates Sammarthani ubi supra, Chenu in Chron. Galliae, fol. 55. Qualiter ejus Praefuli in praesenti rescribit Innocentius. d. 2. Viterbien.) Joannem videlicet Lombardum, qui creatus fuit Cardinalis tituli Sancti Clementis a Coelestino III. ut refert Ughellius to. 1. Italia sacra, fol. 310. n. 10. c. Augmentationem coronae.) Quod erat signum oblationis sui, & rerum suarum, ut probat Cironius ad tit. de donat. non tamen ideo fiebat ita oblatio monachis, ut probavi in c. in praesentia, de probat. ubi hac verba illustravi. f. Res Archiepiscoperi.) Non intuitu Ecclesiae acquisitas; nam

de illis Archiepiscoperi disponere non poterat, unde ad Ecclesiam spectabant; sed de propriis, & patrimonialibus, in quibus cum non haberet cognatos ab intestato venientes, Ecclesia succedebat, juxta supra adducta in c. 1. g. Non possit restari.) Non quia monachus esset, juxta tradita in c. 2. de testam. sed quia non habebat bona, de quibus disponeret, cum omnia secum monasterio obtulisset. h. Administrantes.) Non enim de uno, sed de diversis disponebant; & ita administrantes dicuntur, & cum eis ita probavit Abbas oblationem; alias si unus testis tantum de confessione oblationis deponeret, & alius testis de oblatione ipsa, non probasset sufficienter Abbas, ut exponit Costa in l. si ex cautione, fol. 379. n. 2. C. de non n. pecus. i. Compositum non fuisse.) Quia negativa convertitur in affirmativam, ut probavi in cap. ad audientiam, de probat. k. Alienata mente dixisse.) Furiosus enim non potest facere testamentum, l. neque, C. de codicill. §. furiosus, Instit. quibus non est permittum facere testamentum. Donellus lib. 6. comment. c. 5. Sella tom. 1. decis. 56. Rodericus Suarez alleg. 1. in qua parte observandi sunt textus in l. 1. de suis & legit. hered. l. 15. §. filius, & §. ult. ff. de insti. l. filius 60. ff. de acquir. heredit. l. 17. §. si impuber. ff. de insti. ult. & alii quos adduxi in cap. 1. de test.

T I T U L U S XXVIII.

De sepulturis.

C A P U T P R I M U M.

a Leo III.

Os instituta majorum Patrum considerantes statuimus, unumquemque in majorum suorum sepulchris jacere, ut Patriarcharum exitus docet. Nulli tamen negamus propriam eligere sepulturam, & etiam alienam. Dominus enim & magister alienam elegit ut propriam. Sed quia dignus est operarius mercede sua, tertiam h. partem sui iudicii illi Ecclesiae dari censuimus, in qua caelesti pabulo refici consuevit, ut juxta Apollonum sint consolatorum socii, ut fuerint passionum: & sic demum ubicumque libitum fuerit, eligat sepulturam. Aliiter ne fiat, auctoritate Domini nostri, qui per Prophetas locutus est dicens: Ne transfregiaris terminos antiquos, quos posuerunt patres tui; sub anathematis vinculo detestamur, & contradicimus.

N O T A E.

1 a Leo III.) Ita etiam legitur in prima collectione, sub hoc t. c. 3. & post Concilium Lateran. sub Alexandro III. p. 43. de sepul. c. 2. & epistola Leonis III. textum hunc citat Antonius August. in notis ad l. coelestis in d. c. 2. Cironius in paratit. ad hunc tit. Nicolaus Lemaitre de iurib. Episc. l. 2. c. ult. Unde cum in aliqua ex epistolis ipsius Pontificis editis a Vinnio tom. 2. Conciliorum, Baronio tom. 9. anno 796. & 799. non reperitur, credo deductum esse ex aliquo epistola, quo temporis injuria perit. Leo III. creatus fuit Pontifex die 26. Decembris anno 795. & Ecclesiam rexit usque ad annum 816, ut refertur Baronius, & Corolanus in eodem anno, Ludovicus a Sancto Carolo in Biblioth. Pontificiae, verbo Leo tertius. b. Tertiam partem.) De qua portione parochialis agemus infra, in c. in nostram, hoc titulo.

C O M M E N T A R I U M.

2 Ex hac Leonis epistola sequens communiter deducitur assertio: Unusquisque sibi potest eligere sepulturam ubicumque voluerit; sedendum autem sine electione, in maiorum suorum sepulchris esse sepelendum. Probat eam textus in c. Eduen. c. unaqueque s. c. ubi unaqueque, c. placuit, 13. q. 2. c. ult. in principi. 16. q. 1. c. 3. c. de uocato, in prin. de §. 1. hoc tit. c. nunci. §. 1. de excoll. Pralat. c. plerique, de patris, c. ut privilegia, de privileg. c. cum quis, c. si quis, in hoc tit. in 6. c. 1. de patris, eodem l. Clement. dudum §. verum, hoc tit. Clement. final. §. final. de penit. cum alii congetis a Crespetio in summa, verbo Sepultura. Consonat lex 5. tit. 15. part. 1. Illustrant ultra laudatos in praesenti a Garanna, & Barbosa, idem Barbosa l. 1. Paris Eccles. c. 10. n. 20. & de offic. Paroch. c. 36. Petrus Gregorius l. 1. part. tit. 17. c. 5. & l. 2. Gratiana. c. 13. n. 6. & l. 23. c. 23. Vighel. in method. iur. can. fol. 451. Tondutus resti. canonie. c. 115. Valenzuela cons. 18. Basilius de matrem. l. 5. c. 12. §. 2. Parladorus dissent. 66. §. 3. Fragoso de regim. Christi. Resp. 3. p. l. 5. §. 17. n. 529. Zexda in iudicib. tom. 1. c. 8. vers. 1. fol. 391. Cabreos h. de metu, c. 5. n. 83. P. Mendo de iure actum. l. 3. q. 50. Frances de Eccles. Cathed. c. 17. Murga tom. 2. disquisit. mor. tit. 8. disquisit. 1. cum seq. Alestera lib. 1. dissert. c. 12. Sed hac assertio difficilis redditur ex sequenti juris consideratione: nam fidei testator eligat sepulturam, siue non eligat, intra Ecclesiam non est tumulandum, c. nullus 13. q. 2. Concilium Brachar. 1. can. 18. ibi: Corpora defunctorum nullo modo intra Basilicam Sancti Petri sepeliantur, sed si necesse est, de foris circa murum Basilicae. Concilium Arelat. sub Carolo, c. 21. Alia congerunt Antonius Augustinus in epist. l. 26. tit. 10. Limembrogus in glossario, verbo Marturi, Savarus in notis ad D. D. Gonzal. in Decretal. Tom. III.

Sidonius, l. 3. epist. 12. Menardus ad Sacram. D. Gregorii, fol. 238. Ergo siue electa sepultura, siue non, defunctus decedat, intra Ecclesiam non est sepeliendus. Pogetur primo hac difficultas, nam est admittamus jam temporibus Leonis III. catholicos defunctos intra Ecclesiam sepeliri, non tamen ideo in sepulchro majorum erant sepeliendi, sed potius pro personarum distinctione, ut si clerici sint, in Ecclesia ubi resident, c. ubi unaqueque 3. q. 2. si monachi, in proprio monasterio, c. 1. 16. q. 1. si laici in Ecclesia Cathedrali, ex eodem c. 1. Igitur non sunt necessario tumulandi in maiorum sepulchro. Secundo difficilis est praesens textus, dum supponit dari sepulchra majorum, in quibus ratione illationis cadaverum parentum habeat quis dominium in eis; cum certum sit in locis sacris, & religiosis, upate exemptis ab hominum commercio, nullum posse dari dominium, l. in iustum, §. sacra, ff. de rerum divisi. §. nullius, Instit. eodem tit. Igitur etiam in sepulchris, ubi sepulti sunt parentes, nullum datur dominium. Quia dubitandi ratione ita fultea non obstat, vera est praesens assertio, pro cuius illustratione primo sciendum est, sepulchra iure naturali corporibus debita, ut fufe prosequitur P. Faber l. 2. semest. c. 1. pro diversitate nationum usum variam fuisse: aut enim hominibus, vel animalibus devoranda defunctorum corpora obiciebant, vel alii ex quatuor elementis commendabant, videlicet vel aeri exponebant, vel aquis immergebant, vel igne consumebant, aut terra cordebant. Effedones populi Aethi ad parentum funera vocati eorum cadavera edebant, honestius, & sanctius esse existimantes, ab hominibus, quam a veribus devorari: & ut hac ratione magnam pietatem ostenderent, seque illos juxta secum amare prosterentur. HeroJocus l. 4. Strabo l. 11. idem refert de Sidonibus Zenodorus in collect. cent. 5. prevarb. 25. de Indis Herodocus l. 3. de Ponticis D. Hieron. contra Jovin. lib. 2. de aliis Tertullianus contra Marcionem: ex quibus illustrat Spondanus de egyptiis sacris, l. 1. p. 1. c. 4. n. 1. Barcei, gens Hesperia, cadavera vulturibus devoranda obiciebant, eo quod aves illas sacras existimabant. Refert Aelianus l. 1. hist. animo. c. 22. Idem tradit de Iberis Iustinianus l. 41. & de aliis Spondanus d. c. 4. n. 2. Alex. ab Alex. l. 3. genial. c. 2. Silius Italicus l. 3. quem usum reprehendit Daulqueus ad erat. de zona Basilii Seleuci. Sic etiam Aethiopes defunctorum corpora in flumina proferre consueverunt, exultantes id optimum esse sepeliendi modum, tradit Diodorus Siculus l. 3. c. 1. cuius moris rationem illustrat Spondanus d. cap. 4. Alii defunctorum corpora aeri dissolvi cupientes, arboribus affigebant, ut Scythae. Silius l. 12. Tabareni, D. Hieronymus l. 2. contra Jovin. illustrat Spondanus d. c. 4. Combustione etiam, & igne cadavera consumenda esse, politiones gentes tenuerunt ut Romani & Graeci, a quibus Galli, & Germani acceperant, ut refertur Caesar de bello Gallico, Tacitus de morib. German. Si-

4 De diversis sepulturae modis.